

欽定剿平三省邪匪方略

欽定剿平三省邪匪方略正編卷一百十七 己未年

八月十九日

乙

德楞泰奏言

臣

於前月十三日

將龔文玉卜三聘等逆賊巢攻破乘勝窮追直

至二十二三四等日先後擒獲首逆龔文玉龔

其位父子兄弟妻女並頭目李谷青等餘黨剿

捕罄盡惟卜三聘一犯節據各首逆及黨匪僉

供攜眷潛逃後窩一帶當派幹練弁兵前往搜

擒先是二十一日接准勒保來咨內開准倭什  
布咨稱張起貴宋慶子並李淑徐添德等匪先  
後由西溝竄入竹谿所屬之竹溪河一帶焚掠

令臣就近由陰條嶺馳往截剿其卜龔等逆交

朱射斗等剿辦臣卽於二十六日由徐家壩移

師入楚取道竹谿所屬之巴斗園蕭家坡探蹤  
前進二十九日遇賊於竹山之紅坪羅漢洞等

處經

五

分路截擊沿途殲戮生擒並逃散投首

者不計其數追殺一百四十餘里將賊匪截入

川境由大寧越過界嶺一帶遁去生擒逆首張

世達供係樊人傑劉維杞龔建及該逆四人爲

首謀逆八月初一日又准勒保二十二三日來

咨以李淑徐添德等竄至房縣黃龍灘截入西

南楊岔河羅半年一股人數衆多已至石板河

等處李淑後股尙在泉河恐延及荆襄令將李

紹祖原帶山東兵一千六百名倭星額原帶雲

南兵一千名及桂涵所帶鄉勇俱撥歸提臣七

十五隊內剿辦川匪令臣卽帶原兵六千餘員

名赴房縣截剿肅清楚疆適臣已將樊逆痛剿只

剩二三千人遁入大寧界嶺勢已狼狽而房縣

賊情緊要且兵力較單自宜先其所急且樊逆

入川現有七十五及朱射斗等剿辦臣卽擬起

程隨據都司馬文斌稟報已於二十八日在後

窖老莊子巖內將卜三聘並子姪兒媳五名口

全家擒獲解至大寧聽候查辦臣入楚已遠首

逆旣獲未便往返稽滯隨令該員帶同投出之

張宗泰前往認實卽解勒保軍營查辦遂於初

二日由梨子坪取道紅坪界嶺獅子巖前進沿

途各處哨探已無賊匪初七日途次房縣之上  
灘河接倭什布初三日來信現在李淑徐添德  
宋麗子等逆竄屯南漳之馬良坪歇馬河一帶  
屢經剿擊惟辛張二逆竄入三層河公祖河等  
處羅半年分出樊姓一股由九道梁至薛家坪  
又另有不知姓名一股賊匪在官口山小河田  
等處令臣卽由徐家壩就近前來抄擊將竹房

肅清再行東下爲兩面夾攻之舉查樊人傑等  
逆卽係由平利竄入二竹分擾之賊已經臣截

剿入川其辛張各逆係由九道梁竄來聞官兵  
過楚俱不敢分投肆擾卽已東竄臣初入日行

抵房縣聞倭什布屢獲勝仗已帶兵東下該逆  
等現竄興山一帶臣卽於初九日帶兵由保康

一路趕緊前進務期將楚境各逆肅清



同日勒保奏言查線字號偽先鋒卜三聘偽元帥龔其位最爲著名驍悍首惡要犯茲據德楞泰報稱經派留搜山之都司李東山唐玉龍帶同龍觀寨寨長李萬順於二十三日在香港地方將龔其位擒獲並陸續搜獲龔文玉次子龔以楚賊匪蕭永年等二百七十四名此股餘匪實已殲除淨盡惟卜三聘未獲旋據七十五報

稱有馬兵施洪道帶同眼目於二十五日在王家坪緝獲卜三聘長子卜正順又於二十七日在羊溪河地方拿獲逆首卜三聘及其子女四名口是此股首夥各逆並要犯家屬均已全數殲擒辦理實屬完善現在德楞泰因探得李淑奕人傑徐添德等由楊岔河一路折近川境離向家壩不遠德楞泰恐由徐家壩迎擊賊必仍

竄房竹或旁入陝界現已取道界嶺既可過其  
竄陝之路並可與倭什右兩面夾擊以期得手  
至張添倫辛聰賊匪千餘人向黃草坪一路欲  
由巫山竄赴巴東經朱射斗帶兵截剿復從相  
思嶺竄入房縣邊境正在窮追適高家營一股  
高二馬五等由平利竄至核桃壩一帶恐斷兩  
路官兵糧道朱射斗卽帶兵迎擊斃賊一百二

十餘名業由太平境內追剿前進

臣

因德榜奏

現在竹谿平利邊境先剿辦徐添德等股匪距房  
縣較遠刻下巫山巴東一帶無須多兵防守當  
卽派令總兵德英副王凱各就營卡抽帶兵勇  
三千餘名馳往房縣剿辦張添倫辛聰賊匪所  
有夔巫及歸巴一路分責七十五成德統率布  
置嚴行防堵再額勒登保由鎮龍關追剿王登

廷一股該匪等晝夜狂奔我兵日行一百二三十里擒獲沿途落後夥賊一百二十餘名七月二十四日師次洪口地方距賊不遠正擬五更發兵進剿適於二更時探報距營十餘里之杜家坪地方有賊一、二千人聚住額勒登保以後路關係緊要必須先行剿辦隨於四更由蔥子坪翻山分兵兩路競進該匪等正在屯聚早炊

一見官兵始猶放鎗抵拒額勒登保卽親率安  
祿格布舍噶拉楊遇春穆克登布等率領馬步  
官兵由山上一齊下壓匪衆不能抵敵當被殺  
死者四五百人餘皆盡棄驟馬由溝底翻山四  
散奔逃復經我兵追殺並滾巖跌斃者二百餘  
人生擒賊目賈仲珠並賊匪趙登高等一百六  
十八名訊係甘肅竄來白號楊開甲一股自與

張金魁分夥後帶有一千五六百人由南江竄至此間不想遇見官兵殺敗統計此次殲擒過半搶獲騾馬四百餘匹及衣物器械均卽分賞兵勇額勒登保以此股賊匪敗殘已極本應趁勢剿淨因王登廷曁爲狡詐連日窮追將入陝境亟須截剿仍卽督兵由竹峪關前進探得王登廷已在西鄉之漁渡壩屯紮二十九日趕至

該處王登廷卽率衆先逃只有後隊百餘人在  
固縣營探信經我兵追殺殆盡連夜偵知王登  
廷於青龍坪地方與齊家營一股合夥是夜號  
火綿長三十餘里殊形猖獗額勒登保卽分兵  
三路進剿該匪等待其人衆直上青崗嶺與安  
祿穆克登布一路官兵迎拒我兵奮力仰攻鼓  
勇竟上該匪不能抵敵退奔土丫子山梁礮繁



三百餘人額勒登保由中路進發將賊衝爲兩  
段在後之賊經兩路官兵殲斃及滾巖者五百  
餘人在前之賊又被楊遇春截住額勒登保督  
兵三面夾攻又殲戮並跌斃八九百名統計斃  
賊一千七八百名生擒八百六十七名大半俱  
係荆襄老教賊匪內有齊家營之僞元帥斬有  
年一名探馬頭王樹仁豐廷廣龔勝朱大章並

齊王氏之姪女齊四姑王登廷夥內賊曰吳湖  
名等與從逆打仗之金桂等五百二十三名訊  
明一併正法其餘被脅難民分別川陝原籍給  
予銀米遞回安插查訊齊家營首逆宋永富卽  
宋麻子是否被殺尙無實在下落王登廷率其  
餘黨又乘間向九正壩折回川境額勒登保飭  
令王文雄就近搜捕餘匪卽督兵回川緊剿王

登廷賊衆現在甘省竄來之藍號張世龍等一  
股賊匪由廣元衝破百丈關卡隘把總陳倫陣  
亡該匪等卽從南江沙河子竄至通江烏林垭

帶因恒瑞回陝協剿張漢潮一股臣已知會

額勒登保就近探明一併協剿至此大額勒登  
保一路打仗外委王得勝殺賊陣亡又守備吳  
廷剛受有矛石傷現今上緊調治其餘傷亡兵

勇容俟查明咨部再額勒登保德楞泰兩路官  
兵等節次打仗奮勇殺賊各將著有勞績之員  
弁兵勇開單保送前來臣詳加察核均無冒濫  
謹繕清單恭呈

御覽合無仰懇

天恩俯賜獎勵該員等益當感激奮勉實於軍務有  
裨均奏入

上命軍機大臣傳諭德楞泰曰此次德楞泰帶兵赴楚肅清竹山竹谿一帶竄匪乘勝窮追將首逆三聘及該逆子姪兒媳等一併拏獲並將龔其位及龔文玉父子兄弟妻女全家擒獲餘黨剿捕罄盡所辦甚屬可嘉從前帶兵各員祇顧查拏首逆置餘匪於不問以致遺孽未淨日久蔓延德楞泰嗣後務當將賊首家屬及黨與盡數搜除不可專

擒首犯以致復留遺孽現在楚省竄匪李淑等股業經倭什布截剿折回西南興山一帶今德楞泰帶兵趕赴該處正可與倭什布兩面夾攻乘勢將各股竄匪奮力殲擒肅清楚境勒保調度乖方總在軍營安坐不過得有各路稟報彙奏一次塞責實屬貽悞國事昨已降旨將額勒登保授爲經畧德楞泰務須同心協力上緊剿辦以期迅速戡功

現在如未與額勒登保會合該處軍營情形朕盼望綦切仍應自行隨時具摺奏報如已與額勒登保見面德楞泰自應將一切應奏之事報明額勒登保具奏也

上又命軍機大臣傳諭額勒登保魁倫曰勒保奏德楞泰生擒首逆卜三聘龔其位及額勒登保連獲勝仗各情形業經松筠德楞泰先後奏到所有卜

三聘奠其位等股首移家屬全數殲擒餘匪淨盡  
辦理尙屬完善然係德楞泰一路籌畫搜捕並非  
勤保之功豈得以據報轉奏遂爾白居功績耶朕  
思從前剿辦各股賊匪往往專擒首逆置餘黨於  
不問名爲一股剿完而賊衆仍在或歸併他股或  
另推賊首輾轉蔓延其弊實由於此如齊王氏姚  
之富二首逆早經殲戮而賊中所稱齊家營匪衆



及齊四姑至今尚在卽此可爲明証嗣後官兵剿  
賊著額勒登保傳知各路帶兵大員總須將賊首  
家屬黨與盡數殲除不留遺孽不可祇擒賊首見  
功復蹈從前惡習以致遺灰復燃至勒保奏此時  
德楞泰一路官兵距房縣較遠已酌派防守巫山  
巴東之德英額等帶兵馳赴房縣剿辦此一節調  
遣尙屬合宜但勒保身爲經畧玩愒稽延軍營人

員又有交結營求情弊魁倫仍應遵照前旨嚴切  
究訊不可見有此旨妄行窺測謂朕有從寬之意  
遂爾心存輕縱將就完案總俟魁倫將實在情節  
查審明確秉公具奏候朕再降諭旨所有陣亡把  
總陳綸外委王得勝著卽咨部賜卹

上諭內閣曰勒保奏查明額勒登保總楞泰兩路打  
仗出力將弁兵勇著照所請副總管富登阿賞給

額外總管騎都尉塔什拉賞給二等侍衛佐領巴圖賞給強都巴圖魯名號防禦達椿賞給額騰依巴圖魯名號歡福賞給年長阿巴圖魯名號都司唐玉龍賞給莽鼐巴圖魯名號李東山賞給齊濟拉克巴圖魯名號佐領阿納庫訥爾吉都司沈洪守備張世雄土舍索諾木文魁屯都司谷入阿郎俱賞戴花翎署叅領福祿紳哈新察前鋒委官舒

爾哈善守備吳廷剛屯守備撒怕俱賞換花翎前  
鋒藍翎長圖敏泰巴哈佈驍騎校額楞保伊克桑  
阿領催富爾松阿瑞德伍崇額懋善托瑚齊三音  
佈彥圖鄂綸泰凝滾保蒙庫圖哈達哈前鋒都輪  
保富清阿披甲阿勒漢保格楞保托爾托善烏雲  
保特禮善守備陳占春千總傅益蘇國棟廖君臣  
把總徐德玉崔有源歐凱外委陳偉米時泰王士

雄王正剛蘇雲龍額外外委方文貴兵丁楊秀林  
貴彭占鰲安聯陞邱得富唐國奉鄉勇頭目余步  
雲吳大倫屯兵日察於布他俱賞戴藍翎前鋒花  
連布達椿領催圖勒賓盛德額勒登額常德拜都  
爾德克進新保記名領催定保披甲索爾善班寶  
俱賞給額外驍騎校其孛獲卜三聘之兵丁施洪  
道擒獲龔其位之寨長李萬順尤爲出力施洪道

著以千總補用李萬順如願出仕亦著以千總補用仍俱賞戴藍翎

二十日

丙午

吳熊光奏言竊豫省民風淳樸從前

遇有官兵過境車馬供應等項問閭靡不踴躍

急公總緣州縣不善經理任聽吏胥長隨從中

弊混致滋事端臣前于晉兵過境時已密飭各

府州督率所屬妥爲籌備茲荷

聖慈體卹以

盛京吉林索倫及山西官兵均由豫省行走不無  
借資民力

特降諭旨蠲免錢糧十分之五並慮及不肖官吏藉  
有明文公然派累

訓諭諄諄臣當卽恭錄

恩旨飛飭藩司刊刻謄黃頒發各州縣遍貼曉諭並

飭該管府州先行出示張掛使窮鄉僻壤早得周知責成藩司及府州等董率所屬實力辦理

臣仍留心隨時察訪如有州縣胥吏人等侵漁

滋弊卽嚴叅治罪斷不敢稍事袒徇至防守江

岸臣前以一交秋深江水稍落上游淺灘可以

淌渡處甚多自應添兵分布嚴防又慮及目下

江水雖盛或賊匪等有拆毀民房紮筏偷渡情



事並諄囑完顏岱等務須確探賊蹤相機防範  
據該司道稟稱李淑一股日前竄至南漳恐其  
直逼襄陽完顏岱卽帶兵勇趕赴襄陽之樊城  
東津灣等處往來查察道員陳鍾琛與知府周  
璣分帶鄉勇於上游茨河等處駐守以防後股  
竄入之賊茲李淑等經倭什布帶兵截剿痛殲  
已竄往興山距江岸較遠且山西兵早經到齊

由襄陽前進更無慮其東竄但賊匪往來無定而竹谿房縣一帶探聞尙有後股賊匪游奕究須加意嚴防查漢江上自二鄖下達安襄道里綿長在在均關緊要因思現在新募之兵未經操練恐亦不諳紀律且由各該營調赴江岸行走需時臣已密咨兩鎮添募按照現募之數先將該營陳兵酌量抽赴江岸其新募兵丁卽留

營操演一轉移間庶可有備無患而新兵又得隨時訓練似更兩有裨益至

盛京吉林索倫官兵需用馬匹臣已於豫省各營

抽撥軍需馬五百匹茲復奉

諭旨令於各營內酌量抽調臣查豫省各營駐防及

兩鎮撫標共額設馬不滿三千匹除調往楚陝

二省及本省邊境防堵官兵乘騎外存營未能

數餘約計僅可抽調一千匹連前共得一千五

百匹之數臣現飛飭調齊善爲餵養豫備各官

兵一到卽先押送渡江前往襄陽分給乘騎以

資剿捕其察哈爾馬匹由該處解至楚豫程途

較遠行走易致疲乏所有豫省調出營馬查從

前尙有額外豫備軍需馬匹分散驛站及沿邊

各州縣餵養通融協濟可以就近陸續撥還各

管如營馬不敷卽於此項馬匹內挑其壯健者  
奏撥馬價均照例核實報銷似可無庸於察哈  
爾馬匹內撥補臣於十七日可抵荆子關惟有  
兼顧西南兩路隨時察探賊蹤會同兩鎮並督  
率文武員弁於邊界暨江岸各處慎密巡防不  
敢稍存疎懈奏入

上命軍機大臣傳諭吳熊光曰楚省竄匪李淑等經

官兵屢次截剿已竄往興山一帶業經倭什布等  
奏到吳熊光所探自屬確信惟竹谿房縣一帶尙  
有後股賊匪在彼游奕想節係辛聰張添倫等股  
現亦經川省派令總兵德英額帶兵赴楚會同王  
凱剿辦此時楚北賊氛距豫較遠但賊蹤飄忽無  
定而房竹地方尙有後股賊匪往來窺伺江岸一  
帶自應時刻隄防吳熊光所慮甚是務須督飭完

顏岱嚴密稽查於水淺處所梭織巡察斷不可稍  
存大意至額勒亨額到豫後仍著吳熊光遵照前  
旨酌量緩急機宜如楚省房竹一帶賊匪尙在屯  
聚滋擾需兵協助而陝省張漢潮一股或已經剿  
淨或又逼竄西南折赴川境則盛京等處官兵自  
應卽令赴楚倘房竹竄匪業經倭什布等擊退亦  
皆折回川境而陝省剿辦張漢潮尙未得手有需

兵力卽令額勒亨額帶赴陝省以此時賊匪情形  
而論湖北較爲著重而陝省兵力不爲不多所有  
盛京等處官兵朕意總以令其赴楚接濟自爲得  
力但軍情移步換形究難懸揣總在吳熊光豫先  
差人確爲探聽先期告知額勒亨額務合機宜方  
爲妥善至官兵需用馬匹卽照所奏辦理可也

二十一日

丁未

松筠奏言

臣

遵查明亮與慶成永



保分手之後明亮於七月二十二日馳抵鄖陽  
迎截張逆隨即折回慶成承保於十六日已至  
鎮安之舊縣關紮營十八日移至野珠坪屯紮  
二十一日移營圪塔寺二十二日至鎮安縣東  
五里之舊司地方駐劄探得張逆分股賊匪在  
鎮安東南忽分忽合始起營由午峪溝追剿二  
十七日至胡家灣二十八日至採玉窰二十九

日經曾家坪九間房三十日至紅巖子初一日  
慶成永保分路截剿各有斬獲但張漢潮爲賊  
渠魁自應先行趕緊剿除其餘分股賊匪無難  
以次殲滅乃慶成永保意不及此是雖打仗殺  
賊究未免遷延時日查張逆大股賊匪於本月  
初一日竄至商州楊家斜明亮於是日辰刻追  
抵商州進剿慶成永保聞信卽折回西北繞至

賊前抄擊以上情節俱係商州鎮安各州縣陸續稟報再查永保自華陽失利之後其氣稍餒尚無忌功阻撓情事

松筠又奏言竊

臣

欽奉

諭旨獎勵各省義勇鄉民當卽敬謹謄黃遍加曉諭務使百姓周知以勵其忠義之心堅其敵愾之志並飛飭各道府查明所屬鄉勇凡陣亡受害

業經稟報有案者催令造冊陸續咨部

臣

查試

用直隸州州判署商州州同葢方泌當張漢潮  
分股賊匪竄至鐵峪舖時該州同帶領鄉勇乘  
其不備身先衝突手殺騎馬賊四名鄉勇一湧  
而進共殺賊八十餘名賊匪方奔上山梁適有  
一股賊匪自八里坡溝竄出合力格鬪相持甚  
久百頃灣等處鄉勇陣亡者二十餘人又商州

知州陳祁督率外委李登高義首胡壽等在軍  
嶺川兩路剿殺分股賊匪殺賊三十餘人生擒  
五名投出被脅難民三十三人義首王文高等  
亦於高崖溝殺賊數十人鄉勇陣亡者四人其  
雒南山陽鎮安等縣亦皆有鄉勇堵禦隘口殺

退賊匪者

臣

均令宣諭

皇恩將出力鄉勇從優獎賞傷亡者催令咨部議卹

並嚴飭漢中興安西安鳳翔各地方官以葢方  
泌等爲法鼓勵訓練如處處皆能如是旣助官  
兵剿殺之力亦阻賊匪奔竄之路於軍務實有  
裨益至張漢潮賊匪又由商州竄至藍田境內  
明亮躡蹤緊追慶成永保剿殺分股賊匪之後  
卽趕往北面抄擊恒瑞在西南兜截俟有捷音  
卽當馳奏其自大寧竄入平利牙河之賊因慶

溥溫承惠西北兩路堵禦嚴密該匪遂由平溪河  
竄出拗崖至太平之黃墩地方其西鄉境內額  
勒登保剿散之齊家營餘匪竄入巴山老林王  
文雄分兵兩路搜捕到小洞一路殺賊一百餘  
名生擒九十餘名餘賊竄出通江之空山壩其  
馬家壩一路賊匪剿殺淨盡生擒二十餘名兩  
路共投出難民二百餘名道員文需親赴塔壩

河林內又招出難民男婦三百餘名均散給粥  
餼並給路票盤費遣回原籍均奏入

上命軍機大臣傳諭松筠曰張漢潮一股在陝往來  
奔竄祇剩二千餘匪而官兵實有萬餘五倍於賊  
其迄未擒獲之故總緣明亮居心以張逆若卽就  
縛餘孽無難剋日剿除伊須帶兵赴川聽候勒保  
胡道心實不甘不如養寇自便而慶成承保居心



以明亮追躡賊蹤若伊二人在前扼要堵截張逆  
逃竄無路必被明亮拿獲成功明亮定邀優眷厚  
二人又須受明亮節制是以屢次繞道避賊使明  
亮終不能得手故前此明亮摺內則稱若遇慶成  
丞保帶兵前來即可合圍奮擊慶成丞保摺內則  
稱想明亮追躡前來即可併力合剿作爲揣度疑  
詞彼此互相推諉餉糜師老張湛漸終無擒獲之

時挾私嫌而悞國事伊三人之罪尚可追乎卽如  
此次松筠摺內稱張逆大股賊匪於八月初一日  
竄至商州楊家斜明亮於是日辰刻追抵商州慶  
成承保聞信卽折回西北抄擊及明亮追賊至藍  
田慶成承保又趕往北面伊二人已知明亮趕至  
商州正應就近會合一路商定作何分投堵剿之  
法乃轉行折回豈非不欲與明亮見面避之而去

至所稱慶成永保於十六日至鎮安之舊縣關紮  
營至二十二日至鎮安縣東五里之舊司駐紮舊  
縣關與舊司同屬鎮安地方相去諒亦不遠何以  
慶成永保行走六日仍在鎮安每日究竟行走幾  
里或安坐並不移營松筠自應將某處至某處共  
若干里分晰注明則慶成永保之逗遛遲延自可  
得其實據乃僅籠統聲敘朕何由知該處道里遠

近松筠平日辦事意存寬厚見好今於特交查叅  
事件亦不能切實指陳殊屬非是著傳旨申飭額  
勒登保德楞泰在川楚剿賊皆係兵少賊多尙能  
屢得勝仗擒獲首逆而陝甘地方自春間以來從  
未見擒一賊首殲淨一股賊匪可見明亮慶成永  
保竟係各懷猜忌縱賊竄逃看來此事竟非伊三  
人所能辦竣著松筠再將以上指出情節確切查

明如累屬實卽將明亮慶成永保迅速叅奏治罪  
亦不慮無人更換若再稍有瞻徇卽松筠亦不免  
軍連獲咎矣又據另摺奏獎勵出力鄉勇嚴飭地  
方官團練禦賊所辦尙好其自大寧竄至平利之  
賊因慶溥温承惠兩路堵截復竄太平未能剛入  
陝境防範尙爲嚴密松筠務須督飭該鎮道等實  
力巡防以清邊境

二十三日臣慶成永保奏言張漢潮股匪自商

南折回見北面官兵節節堵截隨晝夜狂奔日

行一百二三十里向西奔竄五郎邊界該處重

山密林在在可通棧道臣等正在嚴催兵丁趕

緊前進途次接據稟報張漢潮自商南向西北

奔竄有分出落後一股賊匪約三四百人潛向

東北奔逸臣等彼此商酌若俱向西抄截前進

恐其乘隙北竄平原

臣

永保卽於大山岔一帶

要路地方暫停以便督防北面一帶各峪口二

面飛飭商雜各州縣督率團勇先爲截剿並抽

撥各口之兵勇一千二百名派令向來管領之

遊擊張彪帶領馳赴藥莊一帶截堵其東北奔

竄之路可保無虞

臣

慶成帶兵由鎮安五郎一

帶抄向西北截剿賊匪一入五郎境內層巒疊

嶺山險峻深不特步卒艱於跋涉卽馬蹶亦多  
滾跌官兵晝夜攀援日行不過百里別無路徑  
可繞不能抄迎賊前無以制賊狂奔之勢倍常  
焦急先令副都統銜綸布春侍衛定色鼐桑吉  
斯塔爾等帶領馬隊星馳進行臣慶成督催步  
隊弁兵接續前進比至五郎賊匪已由江口涉  
渡過河西走綸布春等帶領兵馬亦卽躡蹤過



河截擊時值連朝陰雨山水陡漲行營外委張  
和鄉勇義首羅萬成帶土民數人在前試水覓  
淺躡渡行至中流猝被淹斃卽趕緊砍伐樹木  
紮筏又有奮勇弁兵用繩牽挽解衣附木相曳  
而過於十一日早趕至洵陽壩地方適綸布春  
帶領馬隊冒雨趕追乘竄匪至洵陽壩街市停  
歇正在烘衣炊飯間我兵驟至直前擊斃殺賊

數十名大夥賊衆拋棄行李器械分投爬上大梁見馬兵無多尙敢恃險抗拒一聞步兵由北面抄山始紛紛穿林隨折向東南鎮安地方逃竄未能向北奔逸因連旬陰雨兵丁衣履未免泥濕畧爲收拾一面探賊去向卽趕緊兜剿至前竄鎮安以西之分股賊匪有富成及副將馬兆瑞等帶兵截剿尙在鎮安境內未能肆竄

同日明亮與肇奏言張漢潮大股賊匪經臣等

於東北二面往來攔截不敢折往豫省卽由採

玉窰舊縣關向南一帶前竄臣等過鎮安時據

知縣劉之睿稟稱慶成帶領官兵由雲蓋寺追

剿永保由西面大山岔抄截富成馬兆瑞帶兵

跟追小股賊匪臣等查張逆詭計多端萬一我

兵皆跟蹤前逃賊匪向東北旁突不獨官兵皆

成尾追而賊匪轉得苟延殘喘實屬非計是以

臣

等星夜由鎮安屬之典史溝蒿坪河一帶在

五郎之東面防其折竄東北若賊匪直向西南

挺走可期與慶成永保兩路合剿十一日馳抵

廟溝據前隊兵勇報稱見一小股賊匪現在犁

澤坪屯紮

臣

等卽派愛星阿侍衛富蘭莫新帶

領索倫馬隊二百名派叅將楊奎猷遊擊游棟

雲等帶領廣東奮勇兵五百名離大營之十里  
大山埡埋伏派藍翎外委萬彪帶領鄉勇二百  
名在山之二陽誘敵飭令侍衛官兵等務須將賊  
匪誘近山梁方可一鼓圍擒毋許遠放鎗礮致  
賊四竄遠颺旋據侍衛富蘭差報賊匪探馬七  
匹已離大山不遠後面還有騎馬賊三百餘人  
臣等遂抽帶各營馬步官兵飛卽趕赴山埡望

見賊匪大眾已至山根約有二千餘人從兩山  
腿抄上直撲鄉勇萬彪等恐賊衆抄占山梁鎗  
礮齊發愛星阿富蘭游棟雲等從左邊帶領索  
倫馬隊衝下莫新墨爾賚額應元寬等帶領索  
倫馬隊從右邊衝下臣明亮同興肇督率關防  
多爾濟扎普等帶領荆州廣東陝甘滿漢官兵  
從中壓下立斃騎馬賊匪百餘人殺死步賊男

婦二百餘人生擒男婦八十四名因大雨淋漓  
山徑陡滑賊匪滾崖死者甚多後面馬步賊匪  
紛紛回老林扒竄搶獲騾馬驢頭二百餘頭匹  
據獲賊供稱張漢潮由五郎廟之竹山溝翻小  
腰竹嶺希圖乘間東竄兩日行三百餘里到犁  
澤坪因無官兵追趕住歇一日今日探馬回來  
說穆王坪亦無官兵我等纔走到半山不料忽

遇官兵殺傷甚多張漢潮冉亭勝等不知逃往何處當將從賊日久者立行梟示其餘裹脅附近百姓交糧員訊明安插營林內有帶傷藏匿賊匪隨派官兵搜捕復擒獲二十三名訊明皆係荆門州宜城均州一帶逃來之人曾經與官兵接仗概予駢誅次日起營行三十餘里據前探兵勇報稱賊匪向西南竄過乾溝口至磨溝



會齊逃散矛手復從後山繞回金竹園仍欲向

東北潛逃臣等卽派鎮臣長春侍衛墨臣保遊

擊應元寬帶領索倫馬隊山東直隸官兵從廟

溝抄截派愛星阿總管祁當阿協領秦巴圖帶

領索倫馬隊鎮臣關騰遊擊胡定泰張元麒帶

領陝甘廣東湖南官兵由金竹園進剿臣等督

率協領那全巴克坦布等帶領荆州湖北滿漢

官兵由龔家山君子溝趕上賊匪後隊三路併力追殺五十餘里至楓樹坪賊匪扒山越箐拋棄鎗礮刀矛旗幟無數沿途殲斃賊匪百餘人生擒男婦四十五名口時已戌刻官兵冒雨湍河窮日之力追殺百餘里暫令歇息訊據賊供張漢潮逃到磨溝至三更時矛手等找尋前來張漢潮就要逃竄冉學勝說趁此大雨不如從

官兵紮營後山仍往東竄不想又被官兵趕上  
傷損許多人馬臣等查訊賊匪去向非由梅子

嶺遁去卽出仁河口東竄若不竭力截回自鎮

安以東山高路險道路叢雜一旅之師萬難截  
剿遂將索倫滿漢官兵分爲兩隊愛星阿侍衛

富蘭遊擊應元寬帶領一隊趕赴仁河口截其

東竄之路臣等帶領官兵馳抵梅子嶺探明賊

蹤仍儘力遁向西南惟是臣等自鄖陽鄖西緊

躡賊蹤趕回商州今又追至鎮安境內往來追

剿慶成永保富成馬兆瑞等三路官兵共六千

餘名總未見面統俟於何處會合後再行據實

奏

聞均奏入

上諭內閣曰慶成永保與明亮同在陝省剿辦張漢

潮一股賊匪理宜同心協力以國事爲重上緊殺賊俾陝境早就肅清方爲不負任使乃半載有餘尙未蕝事節據奏報剿賊情形總未見伊三人會同夾擊明亮之摺則稱現在直前追剿若遇慶成永保帶兵前來卽可合圍奮擊而慶成永保之摺又稱想明亮追躡前來卽可併力合剿彼此各用揣摩之詞互相推諉每隔旬餘卽如此奏報一次

塞責近日甚至彼此不通信息伊等意見不和忌  
功樹黨朕早經洞鑒節次降旨嚴飭並令松筠密  
行查奏昨據松筠奏賊匪於八月初一日竄至商  
州楊家斜地方明亮於是日追抵商州慶成永保  
卽折回西北抄擊及明亮追賊至藍田慶成永保  
又趕往北面伊二人已明知明亮趕至商州正應  
會商合剿乃轉行折回是直欲避明亮不與相見

張逆得延殘喘皆由二人不迎頭攔截之故又松筠摺內稱慶成承保於十六日至鎮安之舊縣關紮營直至二十二日始至該縣東五里之舊司駐劄此數日內慶成承保究竟日行幾里其罪已無可辭本日先據慶成承保奏稱張漢潮賊匪有分出落後一股恐其乘隙北竄承保卽於大山岔一帶要路地方暫停等語此仍不過毛詞躲避明亮

預爲諉卸地步而慶成由鎮安五郎抄向西北又稱山險不能繞出賊前令綸布春等帶領馬隊前行慶成惟在後督催並福連日陰雨山水陡漲趕至洵陽塌地方僅斃賊數十名而獲匪又折回東南鎮安復因兵丁衣履沾濕在彼收拾是慶成亦惟托故遷延並不跟蹤追剿伊二人摺內竟未提及明亮一字尤出情理之外旋據明亮奏到痛剿



張漢潮賊衆逼向西南逃竄訊據獲賊供稱有兩  
日行三百餘里並無官兵趕追之語又稱自鄖陽  
鄖西緊躡賊蹤趕向商州今又追至鎮安境內慶  
成永保等帶兵六千餘總未見面是慶成永保本  
日奏到之摺竟係畏懼明亮劾効有心捏飾似此  
懷挾私見坐悞事機全不顧剿賊重務慶成永保  
可謂喪盡天良若不嚴行懲治何以肅軍紀而勵

戎行且張漢潮以一老病無能之賊又身受鎗傷  
陝省現在並無他股賊匪若不趁此時廓清陝境  
一任伊等耽延貽悞何時方能剿淨著派工部尙  
書邠彥成馳驛赴陝並賞給欵差大臣關防賚帶  
前往督同明亮剿辦張漢潮一股賊匪以期迅速  
集事卽著那彥成賚朕諭旨先至慶成永保軍營  
將伊二人傳旨革職等因一面向其嚴訊將伊二

人玩悞實情先行具奏再交與松筠定擬奏聞那  
彥成卽帶領慶成永保原帶之兵與明亮會商剿  
辦務將張漢潮一股首夥悉數殲除不留餘孽所  
有陝西巡撫員缺著馬慧裕暫行護理其成都將  
軍員缺候朕另行簡放

上命軍機大臣傳諭松筠曰慶成永保奏連日帶兵  
抄截張漢潮大股竄匪聞其聲敘追剿情節竟係

有意停留任賊奔逸卽如所稱永保在大山岔一帶暫停以便督防北面之語不過爲躲避明亮起見試思張逆旣自商南向西北奔竄永保正應直前抄截豈有轉在大山岔停待之理而慶成帶兵由鎮安五郎一帶抄向西北又離明亮愈遠且稱連日陰雨兵丁衣履未免沾濕畧爲收拾探賊去向尤爲夢囈之談賊匪詭計總在往來奔逸飄忽

無定寧肯坐待官兵探明蹤跡俯首就縛此顯係  
慶成永保不欲使明亮成功屢次設法退避其居  
心實不可問前此慶成永保摺內稱想明亮追躡  
前來明亮摺內稱若慶成永保帶兵合剿尙係互  
相猜疑揣度之詞此次永保竟明言暫停大山盆  
地方慶成竟明言畧爲收拾其不與明亮會商剿  
賊玩寇自便之意尤屬顯然伊三人不和人人共

知乃竟敢於朕前直露退避情形試朕如何辦理  
豈非天奪其魄耶況摺內於明亮恒瑞興肇現在  
何處總未提及一字彼此同辦一賊而竟漠不相  
關視同秦越有是理乎張漢潮本係老病無能又  
復受傷其窮蹙可知乃以明亮慶成恒瑞興肇永  
保五人帶兵萬餘剿辦多時尙聽其往來自如而  
又彼此退避耽延陝省何時始能肅清現派那彥

成以欽差赴陝督率明亮等各加奮勉專剿張漢潮一股並著松筠遵照前旨及此旨指出情節逐一嚴查將明亮與肇慶成永保等如何猜忌嫉功縱賊奔竄之處據實叅奏不可稍有徇隱自貽伊戚再恒瑞自剿辦藍號賊匪後據奏趕赴明亮一路協剿張漢潮至今未見續有奏報恒瑞此時究在何處並著松筠切實查明一併具奏所有躡渡

被淹之行營外委張和鄉頭人羅萬成俱著咨  
部賜卹

上又命軍機大臣傳諭明亮與肇曰此次明亮等帶  
兵由鎮安五郎東而繞道截殺並將賊匪誘近山  
梁官兵從上壓下立斃騎馬賊匪百餘人殺死步  
賊男婦二百餘人分路併力追殺沿途殲賊甚多  
所辦俱好現在張漢潮一股已逼向西南明亮等



由鄖陽一帶緊躡賊蹤趕回商州又追至鎮安境  
內往來馳擊乃慶成永保等兩路官兵共六千餘  
名總未與明亮等見面實屬可恨似此退避耽延  
斷不足恃現派那彥成前來督率剿辦並另有交  
查事件明亮等此時仍當上緊截剿不可稍存觀  
望若因已派那彥成來陝意存懈怠則其罪更重  
況明亮等若能於那彥成未到之先將張漢潮擊

獲肅清餘匪仍係明亮等之功不可不倍加奮勉也